

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina
CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj:05-04-43277-13-109/21 MG
Sarajevo, 12.04.2022. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Jasne Duraković

Zastupnica Jasna Duraković, na nastavku 45. Radne sjednice Skupštine Kantona Sarajevo, održanom dana 14.12.2021. godine, u okviru tačke Dnevnog reda „Poslanička/zastupnička pitanja, inicijative i odgovori”, a u skladu sa članovima 211. i 214. Poslovnika Skupštine Kantona Sarajevo, postavila je zastupničko pitanje:

PITANJE:

Mještani naselja Brusulje Emerovića, prema izletištu Borije Čavrkov sokak na lokalitetu Općine Stari Grad, koje predstavlja ekološku oazu zdravlja na skoro 1000 metara nadmorske visine, gdje naši sugrađani dolaze, mole da se zaustavi potencijalna ekološka katastrofa. Naime, već dvije godine vlasnik kuće i zemljišta Kemo Habibović pravi divlju deponiju, gdje kamioni danonoćno dovoze sumnjiv otpad i istovaraju ga na ovom izletištu. Više puta su mještani reagirali, posebno u ljetnom periodu gdje zbog visokih temperatura lako dolazi do požara, jer se odlaže visoko zapaljiv materijal, pa su nekolicinu puta po pozivu reagirali vatrogasci. S obzirom da navedeni vlasnik kuće i zemlje istovremeno posjeduje dodatni ugostiteljski objekat, policija se redovno odaziva na pozive i žalbe mještana, ali policijski službenici ne pišu vlasniku nikakve kazne pošto dobro poznaju vlasnika i besplatno jedu u istom objektu.

Ovakva vrsta nepropisnog odlaganja otpada, pravljenja divlje deponije i korumpiranosti bi zakonom morala biti kažnjiva, pa vas molim da mi kažete šta ova dva resora, nadležna za ova pitanja, mogu poduzeti da se ovakvo ponašanje sankcioniše i da se stane u kraj ovakvim i sličnim ilegalnim radnjama, kao i da se stane u kraj zloupotrebi časne policijske uniforme koju korumpirani pojedinci, uposlenici MUP-a nose?”

ODGOVOR:

Ministarstvo komunalne privrede, infrastrukture, prostornog uređenja, građenja i zaštite okoliša je zaprimljeno poslaničko pitanje prosljedilo Kantonalnoj upravi za inspeksijske poslove, Inspektoratu urbanističko-građevinske, ekološke, komunalne i stambene inspekcije, sa zahtjevom da nadležna inspekcija izvrši inspeksijsku kontrolu i o utvrđenim činjenicama obavijesti ovo Ministarstvo.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

1/2

Dana 08.03.2022.godine zaprimljen je odgovor Kantonalne uprave za inspeksijske poslove, uz koji je priložena Informacija kantonalnog inspektora zaštite okoliša od 04.03.2022.godine. Na ponovljeni zahtjev Ministarstva, dana 04.04.2022.godine dostavljena je Informacija kantonalnog inspektora zaštite okoliša od 30.03.2022.godine.

U Informaciji od 30.03.2022.godine navedeno je da je inspekcija zaštite okoliša izvršila inspeksijski nadzor na licu mjesta 28.03.2022.godine, te utvrdila slijedeće:

Na dijelu zemljišta privatnog posjeda odložena je veća količina građevinskog otpada, starih prozora, građevinskog materijala (cigla, šljake, blokovi, komadi betona, drvene građe), štuta i drugog sličnog materijala. Vizuelnim pregledom nije se moglo potvrditi da se na lokaciji nalazi potencijalno opasni otpad, niti da su uočeni tragovi paleži. Uvidom u odloženi materijal na licu mjesta inspektor je utvrdio da se radi o deponiji građevinskog otpada.

Vlasnik zemljišta nije zatečen na licu mjesta, te je postupajući inspektora istom uputio poziv radi izjašnjavanja na navode i činjenice utvrđene na licu mjesta.

U Informaciji se takođe navodi nemogućnost postupanja inspektora u predmetnom slučaju, budući da u Kantonu Sarajevo ne postoji deponija građevinskog otpada, te inspektor ne može narediti vlasniku zemljišta (posjednik) da izvrši uklanjanje građevinskog otpada i dovede zemljište u prvobitno stanje. Takođe, je navedeno da inspektor ne može narediti rješenjem subjektu kontrole da pribavi odobrenje za upravljanje građevinskim otpadom u skladu sa Zakonom o upravljanju otpadom, budući da se radi o fizičkom licu.

Obaveza pribavljanja dozvole za obavljanje aktivnosti upravljanja otpadom i njegovog odlaganja propisana je članom 12. Zakona o upravljanju otpadom („Službene novine Federacije BiH” br. 33/03, 72/09, 92/17). Članom 53. Zakona propisane su kazne za pravna i fizička lica, ukoliko ne pribave dozvolu za aktivnosti upravljanja otpadom ili krše uslove propisane u dozvoli.

Budući da ovo Ministarstvo nije izdalo dozvolu za upravljanje otpadom, niti imamo saznanja da je saglasnost za odlaganje otpada izdata od bilo kojeg drugog organa, ovo Ministarstvo je zatražilo od Kantonalne uprave za inspeksijske poslove da inspekcija zaštite okoliša zabrani dalje nelegalno odlaganje otpada na predmetnoj lokaciji.

Enver Hadžić, ministar, upravljanje otpadom



Dostaviti:

- Predsjedavajući Skupštine Kantona Sarajevo
- Služba za skupštinske poslove
- Sekretar Vlade Kantona Sarajevo

Evidencija

- a/a

